

sur l'autre au midi.

La Region plus proche de Tholose, vers les monts, est le Comté de Foix iadis apellé Flus-fates, par Cesar.

Pamiers est vn Euesché dependant de Tholose, establi par Boniface 8. mais la Iustice est à Foix.

Outre Pamiers il y a encor six autres Eueschez du ressort de Tholose: sçauoir Montauban (deuât dict) Lauant Lôbers, S. Papoul, Mirepoix & Rieux, qui est entre Tholose & Cominges, côme au ficelle de Caseres.



DV PAYS COMINGEOIS.

LE Comingeois est limité du Comté de Foix au Leuant, au Septentrion
d.v-

d'une partie du Languedoc & des Comtez de l'Isle & de Gaure, au Midi les monts Pyrenees, au Ponent le pais d'Estrac & Comté d'Auremagnoac.

Ce pais Comingeois est diuisé en haut & bas. Le haut a pour villes S. Bertrand & Cofferrans Eueschez, S. Beat, S. Fregeou, Monregeau, Saliers & autres.

Au bas est l'Euesché moderne de Lombers, les villes de Samathan, l'Isle en Dodon, Muret, Riufnes, & plusieurs bourgades. En ce pais est vn Iuge Mage, deuant lequel tout le pais respond.

La principale ville du pais Comingeois se nommoit iadis Cominge; maintenant elle s'appelle S. Bertrand, & mesme l'Eglise cathedrale.

Ceste ville est fort riche, & de grand

grand reuenu , en laquelle on void d'aussi rares ioyaux, qu'en aucune de ce Royaume, & la figure d'une belle Licorne, presque semblable à celle de S. Denys en France, le païs voisin est grandement fertile.

DE LA VILLE DE COS-
serans, &c.

Cofferans est ville ancienne, située sur la riuere de Pamiers; le premier qui y apporta la foy fut S. Valere. Au nom duquel est bastie l'Eglise de ce lieu, le corps d'icelui ayant esté trouué vn long temps apres par vn bon Euesque de ce lieu nommé Theodore, qui feit bastir & embellir ladicte Eglise.

Sainct Fregeou est encor du Comingeois située sur le haut
du

du mont, autant que la venë se peut estendre, en assiette si forte qu'on n'y peut aduenir qu'avec grande difficulté. Au vallon y a de belles terres labourables & vignes.

Il y a eu plusieurs places remarquables ruinees en ce païs, où l'on void encor des vestiges.

L'isle Dodon est vne ville située en vn lieu fort haut, au bas ayant la Saue chastelenie Royale de Cominge, respondant à l'ancien chasteau de Samathá, où anciennement demeuroint les Cotes, & partant capitale.

Le long des vallons est Deze maison qui fut aux Templiers, y ayant vne grosse tour fort ancienne.

Après est Sauueterre, appartenant à l'illustre maison d'Aubigeon, & plusieurs autres maisons de remarque comme de Mon-

Moncorneil de Lamesan, Aulin, Roquette, Polausic, Saias, Sariac & autres. Au vallon de Sauez en vn bois, est l'Eglise solitaire de S. Sainr, où il y a des reliques d'iceluy, & est vn lieu fort deuotieux & frequenté des Catholiques.

DES VILLES DE LOMBERS
& Samathan.

LOmbers ne fut iadis qu'une Abbaye maintenant Euesché sous Tholose, située sur la riuere de Saue, & quoy que le lieu soit petit, il est tresfort.

Samathan est située partie en vn costau, partie en vallon, sur la Saue, passât par le milieu d'icelle, la separant.

Le haut de ceste ville est effroyable, & fort merueilleux
&

& s'appelle chasteu, le bas est dict le Bourg. Elle estoit anciennement plus grande. Ceste ville fut autres fois ruinee par les Fráçois. L'on y void encor vn vieil chasteau couuert de ruines.

L'eglise principale est Episcopale, dediee à nostre Dame. Il y a d'autres Eglises comme celle de S. Michel, Prieuré des Croisez, les Religieuses de S. Elisabeth, hors la ville, S. Pierre ruinee, la Trinité, S. Marc, nostre Dame des Neges, celle de la Magdeleine & plusieurs autres Eglises & Conuents. Dans la ville est aussi vn bel Hospital.

A cinq lieües de Samathan est Muret, sise sur la Garonne, ayant


Here- vn costau qui lui commande.

sigues
Albi
geois
des-
faicts

Aupres d'icelle furent desfaicts les Heretiques Albigeois & leur chef iusques au nombre de plus de 20000. quoy que les

Ca-

Catholiques ne fussent qu'environ mille. Le Roy d'Arragon leur principal chef, fut enterré en vne chapelle sur vn mont proche de la ville: ce fut l'an de nostre salut mil deux cents treze.



DV PAYS DE L'ISLE
& de Gaure.

LE pais de l'Isle est petit: Celuy de Gaure est de plus belle estenduë, contenant plusieurs belles villes sous foy, comme Gimont, Beaumont & Grenade sise sur la Garonne.

A Gimont est vne somptueuse Chapelle de nostre Dame dicte de Caufar, où se sont faicts plusieurs miracles.

Gimont est situee sur vn
Dd